



Illerfinnik angerlaassilluni assartuinnermut ikiorserneqarsinnaanermut piumasaqaatinik illuinnaasiunngitsunik aalajangersaalluni pisortanit ikiorsiissutit pillugit malittarisassat atuuttut allanngortinneqarnissaannik siunnersuummik Naalakkersuisut kingusinnerpaamik UPA2020-mut saqqummiussaqaarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Aqqaluk Heilmann, Atassut)

Demokraatinit siunnersuuteqartoq Aqqaluk Heilmann, Atassut qutsavigissavarput siunnersuutaanut.

Demokraatinit siunnersuuteqartoq isumaqatigaarput, ilaquataasut ikinngitsut misigisarpaat napparsimasut illoqarfimmut najugarinngisamut nunamulluunniit allamut katsorsartikkiartortut ajoraluartumik toqukkut qimaguttarnerat. Tamannalu qimataasunut artornartuuvoq misisaq.

Taamatut pisoqartillugu qimataasut akiligassarilersinnaavaat toqusup timaata ingerlaannissaanut aningaasartuutit.

Taamaamat Demokraatit isumaqartuarput 2010-imi Inatsisartut aaliangermassuk, innuttaasut assartornermut aningaasartuutitut namminnek nammansinnaanngisaannut pisortat ikiorsiisarnerat ingerlaannassasoq.

Demokraatit paasivarput siunnersuuteqartup ernumassutaa tassaasoq, nunatsinni innuttaasut isertitamikkut assigiikkaluarlutik illoqarfinnili assigiinngitsuni najugaqarnertik pissutigalugu ikiorsiissutitut pineqartunut assigiimmik tunineqarneq ajornerat.

Tamanna Naalakkersuisut akissuteqarnerminni nassuiarpaat, ikiorsiissutunik pinissamut piumasaqaatit assigiinnerat, taamaattorli pisumiit pisumut aningaasartuutit assigiinnginnerat ikiorsiinissami nalilersuinermi aallaaviussartut. Taamaamat Naalakkersuisut nalilerpaat aalingersagaq pineqartoq eqqortumik ingerneqarnerat.

Naalakkersuisulli siunnersuuteqartoq isumaqatigaat oqaaseq ” ilaqtariit ” aaliangersakkami atorneqartoq kikkut pineqarnerannik paatsoortitsisinnaanera. Naalakkersuisut siunnersuut tunngavigalugu ilitsersuummik erseqqissaataasussamik sananiarput siunissami paatsuuinissaq pinngitsoortikkumallugu.

Demokraatini tamanna tusaatissatut tiguarput, isumaqataavugullu Naalakkersuisut nalilermassuk siunnersuutip itigartinnissaanut.